



I. PRINCIPADO DE ASTURIAS

• OTRAS DISPOSICIONES

CONSEYERÍA D'EDUCACIÓN Y CULTURA

EXTRACTU de la Resolución de 17 de payares del 2016, de la Conseyería d'Educación y Cultura, pola que se modifica la Resolución de 24 de xunu del 2016 pola que s'aprueba la convocatoria de subvenciones a medios de comunicación pa la normalización social del asturianu y, nel so ámbitu, del gallego-asturianu, en réxime de concurrencia competitiva.

BDNS(Identif.): 311386.

D'alguerdu colu previsto nos artículos 17.3.b y 20.8.a de la Llei 38/2003, de 17 de payares, Xeneral de Subvenciones, publícase l'extractu de la modificación de la convocatoria que'l so testu completu pue consultase na Base de Datos Nacional de Subvenciones (<http://www.pap.minhap.gob.es/bdnstrans/index>).

Por Resolución de 24 de xunu del 2016 apruébase la convocatoria de subvenciones a medios de comunicación pa la normalización social del asturianu y, nel so ámbitu, del gallego-asturianu, en réxime de concurrencia competitiva (Extractu publicáu nel BOPA de 15 de xunetu del 2016).

Nel Resuelvo Segundu, puntu 10 de la convocatoria, aprobada pola resolución mentada de 24 de xunu del 2016, establezse, tocante a la xustificación de la subvención, que'l plazu máximu pa la xustificación de les ayudes concedíes va ser el 1 d'avientu del 2016.

L'artículo 70 del Reglamentu de la Llei Xeneral de Subvenciones establez que l'órganu concedente de la subvención va poder otorgar una ampliación del plazu establecíu pa la presentación de la xustificación que nun pase de la metá del mesmu y siempre que con eso nun se perxudiquen derechos de terceros.

En consecuencia, y teniendo en cuenta les feches nes que se publicó la convocatoria, amás de pa facer posible qu'exista un plazu de tiempu más afayadizu ente la publicación de la resolución de concesión y la fecha tope de xustificación, pola presente modifícase'l Resuelvo Segundu, puntu 10 párrafu terceru ("Xustificación de la subvención") de la convocatoria aprobada pola Resolución mentada de 24 de xunu del 2016, nesti sentíu:

Onde diz: El plazu máximu pa la xustificación de les ayudes concedíes va ser el 1 d'avientu del 2016.

Tien que dicir: El plazu máximu pa la xustificación de les ayudes concedíes va ser el 30 d'avientu del 2016.

Uviéu, a 17 de payares del 2016.—El Conseyeru d'Educación y Cultura, Genaro Alonso Megido.—Cód. 2016-12501.